



Broj, 01-07-10-51-169/2024  
Sarajevo, 11.7.2024. godine

Na osnovu člana 25. stav (1) u vezi sa članom 26. stav (6) tačka d) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Muzaferu Slomić, [REDACTED], od 2.7.2024. godine, predsjednik Visokog sudskog i tužilačkog vijeća Bosne i Hercegovine donosi

## RJEŠENJE

**Odbija se** zahtjev za pristup informacijama Muzaferu Slomić od 2.7.2024. godine.

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 2.7.2024. godine zaprimilo dopunski zahtjev Muzaferu Slomić, [REDACTED] (u daljem tekstu: podnositeljica zahtjeva) u vezi sa rješenjem VSTV-a BiH br. 01-07-10-51-157/2024 od 27.6.2024. godine, kojim je dostavljeno pitanje predsjedniku VSTV-a BiH da li mu je poznato kome je Ured disciplinskog tužioca (u daljem tekstu: Ured/UDT) VSTV-a BiH odgovoran za pravilno provođenje disciplinskih postupaka u skladu sa članom 64. Zakona o VSTV-u BiH. Referirajući se na navedeno rješenje, te postupanje u vezi sa predmetnim zahtjevom i ranijom korespondencijom sa UDT-om, VSTV-om te pravosudnim institucijama Brčko distrikta Bosne i Hercegovine, podnositeljica zahtjeva je uz dodatni zahtjev priložila i korespondenciju sa Tužilaštvom Brčko distrikta Bosne i Hercegovine i Pravosudnom komisijom Brčko distrikta Bosne i Hercegovine.

Razmatrajući predmetni zahtjev i svu relevantnu dokumentaciju u vezi sa ovim i ranim zahtjevima različitih vrsta iste podnositeljice, odlučeno je kao u izreci rješenja primjenom člana 26. stav (6) tačka d) Zakona o slobodi pristupa informacijama na nivou institucija Bosne i Hercegovine („Službeni glasnik BiH“ br. 61/23; u daljem tekstu: Zakon), koji propisuje da institucija Bosne i Hercegovine može rješenjem odbiti zahtjev ako jedan ili više međusobno povezanih podnosilaca putem jednog ili više funkcionalno povezanih zahtjeva očito zloupotrebljavaju pravo na pristup informacijama, a posebno kada zbog učestalih zahtjeva za njihovu dostavu ili istovrsnih informacija ili zahtjeva kojim se traži veći broj informacija dolazi do opterećenja rada i redovnog funkcionisanja institucija BiH, iz sljedećih razloga:

Naime, od 21. marta 2024. godine do dana zaprimanja zahtjeva za pristup informacijama koji je predmet ovog odlučivanja podnositeljica zahtjeva je uputila Vijeću 14 (četрнаest) različitih podnesaka putem elektronske pošte, te zaprimila 10 (deset) odgovora od VSTV-a BiH, taksativno kako slijedi:

- Zahtjev za pristup informacijama podnositeljice, registriran pod brojem 01-07-10-51-87/2024 od 21.3.2024. godine, kojim je tražena informacija o statusu disciplinskih postupaka i potvrđenim tužbama u premetima koje je UDT pokrenuo i vodio protiv određenih nosilaca pravosudnih funkcija;

- Poziv na ispravku VSTV-a BiH broj 01-07-10-51-92/2024 od 27.3.2024. godine upućen podnositeljici zahtjeva, kojim je traženo da dostavi poštansku adresu, kao obavezni dio zahtjeva, u skladu sa članom 23. stav (3) Zakona;
- Ponovljeni zahtjev za pristup informacijama podnositeljice, registriran pod brojem 01-07-10-51-111/2024 od 23.4.2024. godine;
- Obavijest VSTV-a BiH broj 01-07-10-51-117/2024 od 8.5.2024. godine, upućena podnositeljici zahtjeva, da se podnesak ne smatra zahtjevom u smislu člana 23. stav (3) Zakona, u skladu sa članom 26. stav (2) tačka e) Zakona;
- Podnesak podnositeljice zahtjeva, registriran pod brojem 01-07-10-51-112/2024 od 23.4.2024. godine, kojim je traženo pojašnjenje da li je UDT samostalan u radu ili je dio VSTV-a BiH po pitanju komuniciranja i odgovaranja na zahtjeve za pristup informacijama. Putem ranije navedene Obavijesti broj 01-07-10-51-117/2024 od 8.5.2024. godine, između ostalog, pojašnjen način postupanja po zahtjevima za pristup informacijama i kancelarijsko-arhivskog poslovanja;
- Ponovljeni zahtjev za pristup informacijama podnositeljice, registriran pod brojem 01-07-10-51-118/2024 od 9.5.2024. godine;
- Poziv na ispravku VSTV-a BiH broj 01-07-10-51-124/2024 od 17.5.2024. godine, upućen podnositeljici zahtjeva zajedno sa Aktom Ministarstva pravde BiH kojim je institucijama Bosne i Hercegovine dostavljen Vodič za pristup informacijama sa zaključkom Vijeća ministara Bosne i Hercegovine, koji reguliše način pristupa informacijama u skladu sa Zakonom;
- Zahtjev za pristup informacijama podnositeljice, registriran pod brojem 01-07-10-51-119/2024 od 9.5.2024. godine, kojim su tražene informacije da li su ponesene disciplinske prijave protiv nosilaca pravosudnih prijava u krivičnim predmetima koji su u radu pravosudnih institucija Brčko distrikta Bosne i Hercegovine. Ranije upućen Poziv na ispravku VSTV-a BiH broj 01-07-10-51-124/2024 od 17.5.2024. godine, nakon kojeg je podnositeljica dostavila poštansku adresu, kao nedostajući podatak za razmatranje zahtjeva;
- Rješenje VSTV-a BiH broj 01-07-10-51-130/2024 od 23.5.2024. godine, upućeno podnositeljici zahtjeva, kojim je odobren pristup informacijama u skladu sa zahtjevom broj 01-07-10-51-119/2024 od 9.5.2024. godine;
- Zahtjev za pristup informacijama podnositeljice, registriran pod brojem 01-07-10-51-120/2024 od 9.5.2024. godine, kojim je tražena informacija da li su vršene izmjene Poslovnika VSTV-a BiH u odnosu na imenovanja nosilaca pravosudnih funkcija i da li je uvedeno pravo na pravni lijek u konkursnoj proceduri;
- Rješenje VSTV-a BiH broj 01-07-10-51-131/2024 od 23.5.2024. godine, upućeno podnositeljici zahtjeva, kojim je odobren pristup informacijama u skladu sa zahtjevom broj 01-07-10-51-120/2024 od 9.5.2024. godine;
- Podnesak podnositeljice zahtjeva, registriran pod brojem 01-07-10-51-126/2024 od 17.5.2024. godine, kojim je potvrđen prijem Poziva na ispravku VSTV-a BiH broj 01-07-10-51-124/2024 od 17.5.2024. godine, zajedno sa Aktom Ministarstva pravde Bosne i Hercegovine;
- Ponovljeni zahtjev za pristup informacijama podnositeljice, registriran pod brojem 01-07-10-51-127/2024 od 20.5.2024. godine, kojim je dostavljena adresa podnositeljice zahtjeva, čime je omogućeno dalje postupanje po konkretnim zahtjevima za pristup informacijama.
- Rješenje VSTV-a BiH broj 01-07-10-51-143/2024 od 7.6.2024. godine, upućeno podnositeljici zahtjeva, kojim je odobren pristup dijelu informacija u skladu sa zahtjevom broj 01-07-10-51-87/2024 od 21.3.2024. godine, dopunjenim 20.5.2024. godine;
- Podnesak podnositeljice zahtjeva, registriran pod brojem 01-07-10-51-132/2024 od 24.5.2024. godine, kojim je potvrđen prijem rješenja broj 01-07-10-51-130/2024 od 23.5.2024. godine;
- Dopuna zahtjeva podnositeljice, registrirana pod brojem 01-07-10-51-142/2024 od 6.6.2024. godine, u vezi sa rješenjem VSTV-a BiH broj 01-07-10-51-130/2024 od 23.5.2024. godine;

- Rješenje VSTV-a BiH broj 01-07-10-51-150/2024 od 21.6.2024. godine, upućeno podnositeljici zahtjeva, kojim je odobren pristup informacijama pod kontrolom VSTV-a BiH, a u vezi sa zahtjevom broj 01-07-10-51-142/2024 od 6.6.2024. godine. U dijelu zahtjeva kojim su traženi podaci iz spisa UDT-a upućena Obavijest broj 01-07-10-51-151/2024 od 21.6.2024. godine da se na dio informacija primjenjuje obaveza zaštite i čuvanja tajni;
- Dodatni zahtjev za pristup informacijama i žalba podnositeljice na rješenje VSTV-a BiH 01-07-10-51-143/2024 od 13.6.2024. godine, registrirani pod brojem 01-07-10-51-149/2024 od 19.6.2024. godine. Dodatnim zahtjevom tražena informacija da li je predsjednik upoznat sa navedenim rješenjem te izjavljena žalba Žalbenom vijeću pri Vijeću ministara BiH;
- Rješenje VSTV-a BiH broj 01-07-10-51-157/2024 od 27.6.2024. godine, upućeno podnositeljici zahtjeva, kojim je odobren pristup informacijama u vezi sa zahtjevom broj 01-07-10-51-143/2024 od 13.6.2024. godine te Obavijest broj 01-07-10-51-159/2024 od 27.6.2024. godine kojim je dio zahtjeva koji se odnosi na konkretne predmete upućen Tužilaštvu Brčko distrikta Bosne i Hercegovine i Osnovnom sudu Brčko distrikta Bosne i Hercegovine na nadležno postupanje;
- Žalba na šutnju uprave podnositeljice zahtjeva, registrirana pod brojem 01-07-10-51-24555/2024 od 20.6.2024. godine, izjavljena Žalbenom vijeću pri Vijeću ministara BiH a u vezi sa zahtjevom podnositeljice upućenim 21.3.2024. godine;
- Podnesak podnositeljice zahtjeva, registriran pod brojem 01-07-10-51-165/2024 od 1.7.2024. godine, kojim obavještava VSTV BiH da je zaprimila otvorenu pošiljku sa aktima VSTV-a BiH od 27.6.2024. godine;
- Dodatni zahtjev podnositeljice, registriran pod brojem 01-07-10-51-167/2024 od 2.7.2024. godine, koji je predmet ovog rješenja.

Imajući u vidu navedeno, te činjenicu da je VSTV BiH podnositeljici zahtjeva, do sada, dostavilo sve relevantne informacije tražene zahtjevima, a koje su primjenom pozitivnih pravnih propisa dostupne javnosti, te da novi (dodatni) zahtjev za pristup informacijama od 2.7.2024. godine čak i ne sadrži sve obavezne elemente zahtjeva u smislu člana 23. stav (3) Zakona u smislu da isti ne sadrži „podatke koji su važni za prepoznavanje tražene informacije“, odnosno da je zahtjev sam po sebi nerazumljiv, posebno cijeneći činjenicu da podnositeljica zahtjeva na gore opisan način vrlo učestalo podnosi zahtjeve za pristup istovrsnim informacijama Vijeću, a kojima u konačnici opterećuje rad i redovno funkcionisanje VSTV-a BiH, odlučeno je kao u izreci ovog rješenja.

### Pouka o pravnom lijeku:

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog, a može se izjaviti i na zapisnik kod VSTV-a BiH. Žalba se podnosi putem VSTV-a BiH, a na istu se shodno odredbama Zakona o administrativnim taksama („Službeni glasnik BiH“, br. 16/02, 19/02, 43/04, 8/06, 76/06, 76/07 i 98/12), plaća taksa u iznosu od 10 KM, po tarifnom broju 2. Tarife administrativnih taksi.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. U spis